

THESS XLII.

De perfectione scientiae in anima Christi, tum visionis et infusae tum acquisitae.

Beatae Christi animas inde ab exordio sua existentiae praeter scientiam visionis inerat scientia infusa eius perfectionis, quae tam elevationi per unionem hypostaticam tum statui reparatoris ac capitii totius generis humani responderet; neque tamen ideo Christo adhuc mortali scientia acquisita atque in hac conaturalis profectus negari debet.

Si tum ea quea in superiori thesi n. III. indicavimus de visione et fruitione beatifica Christi animae, tum munus redemptoris et modus redempcionis per passionem ac mortem simul computetur, constat duplicum in Christo fuisse statum coniunctum viatoris et comprehensoris, dum versaretur in carne mortali. Secundum duplicum hunc statum explicanda est scientia Christi humana.

Intellectum et scientiam aliquam esse in Christo, cuius principium eliciens sit natura elevata quidem ad unionem cum Verbo vere tamen humana, constat ex dictis in thesi XL adversus monothelitas. Ad iudicandum de perfectione huius scientiae, sicut in doctrina de perfectione gratiae creatae in Christo, norma esset debet dignitas personae, et per unionem hypostaticam quodam modo infinita naturae humanae elevatio: « praedestinata est enim ista humanae naturae tanta et tam celsa et summa subiectio, ut quo attolleretur altius, non haberet » Aug. Praed. SS. n. 31. Sic itaque huic elevatio ni respondens scientia in humana natura admittenda est, ut tamen non confundatur cum scientia divina. Porro triplex distinguitur scientia quae naturae creatae in illa supernaturali elevatione secundum duplicum statum comprehensoris et viatoris aut necessario convenit aut convenire potest, scientia *visionis beatae*, scientia *infusa*, scientia *acquisita*.

I. In angelis, idemque valet de omnibus beatis comprehensoribus, distinguunt theologi praeante Augustino (in Gen. ad litt. I. IV. c. 23 sqq.) cognitionem duplicum, *matutinam* et *vespertinam*. Prior est ipsa visio intuitiva Dei, et aliorum obiectorum quae a Deo distincta sunt, visio

in Deo seu in divina essentia ut in causa exemplari et efficiente omnium creaturarum, seu per appropriationem visio in Verbo ut in plena et adaequata expressione intellectus paterni (vid. Tract. de Deo th. XVII. cf. de Trin. th. XXIX). Cognitio altera vespertina est rerum quae praeceptor Deum sunt, cognitio in se ipsis. Haece rerum a Deo distinctarum cognitio respondet in sua perfectione perfectionis visionis intuitivas Dei, et statui unusquisque beatorum comprehensorum. Cf. S. Th. 3. q. 9. a. 3.

Cum igitur ut diximus in thesi superiori, Christus homo inde ab exordio vitae mortalis fuerit comprehensor in beatifica visione divinae essentiae, uterque hic modus cognitionis rerum tum in Verbo tum in se ipsis ei convenire censendus est. Uterque autem est independens a sensibus ac representationibus sensilibus, et est cognitio rerum, ut sunt in se ipsis, longe diversa a modo cognoscendi, quores et veritates percipiuntur a nobis secundum modum naturae nostrae compositae cum dependentia a sensibus et cum conversione ad phantasmata. Modus utherque supposita unione hypostatica illi animae, ratione eius dignitatis, est quidem conaturalis, sed tamen supernaturalis est tum spectata natura humana per se, tum quia radix condignitatis, unio scilicet hypostatica, omnino supernaturalis est. Denique cognitio utraque est per immediatam operationem Dei, prior quidem per elevationem intellectus ex supernaturali animae dispositione et conformatio cum intellectu divino ad immediatam visionem Dei, quae dispositio dicitur lumen gloriae; posterior per impressionem ideoarum seu per effectum a Deo intellectus habitudinem aut assimilationem intentionalem (ut dicunt) ad res, quae sunt obiectum cognoscendum. Unde utraque dici posset scientia infusa; est enim utraque immediata operatione Dei impressa, idque ita, ut nulla opera nulloque exercitu hominis acquireti posset; usus tamen obtinuit, ut ad distinctionem a scientia *visionis posterior* tantum appelletur nomine *scientiae infusae* (1).

(1) Scientia a Deo infusa, quae ex natura sua acquiri studio et exercitio non possit, dicitur *per se infusa*; scientia ex natura sua studio et

1º De perfectione visionis beatifica quoad obiectum principes i. e. quoad ipsam divinam essentiam, constat ex superioribus, eam esse respondentem dignitati Fili Dei naturalis, atque adeo in supra perfectione, quae secundum divinam sapientiam in praesenti ordine esse potest. « Verbo Dei propinquius coniungitur anima Christi, quae est unita Verbo in persona, quam quaevis alia creatura; et ideo plenus recipit influentiam luminis in quo Deus videtur, ab ipso Verbo, quam quaecumque alia creatura... Sicut dictum est de gratia, quod non potest esse maior gratia quam gratia Christi per respectum ad unionem Verbi, idem etiam dicendum est de perfectione divinae visionis, licet absolute considerando possit esse aliquis gradus sublimior secundum infinitatem divinae potentiae » S. Th. 3. q. 10. a. 4. Visio itaque beatae animae Christi non est divinae essentiae comprehensionis seu intellectio secundum omnem medium cognoscibilitatis (1), quia haec soli intellectui infinito competere potest S. Th. ib. a. 1.

2º Ex eodem principio elevationis supremae explicanda est amplitudo scientiae utriusque beatifica et infusae quoad obiecta a Deo distincta.

Generatum, ut dixi, cognitione rerum extra Deum in beatissimorum respondet perfectioni et statui, auctoritati et potestati uniuscuiusque in rebus et personas aliquas ratione sibi subiectas et a se pendentes. Atqui Christus homo secundum humanam etiam naturam est primogenitus omnis creature. Deus-homo secundum humanam suam naturam est lapis angularis, fastigium, et ultima perfectio

exercitio comparabilis, si a Deo immediate communicatur, vocatur *infusa per accidens*. Nos hie de priori tantum agimus; licet enim ea referatur etiam ad veritates, quarum cognitione alia, naturalis scilicet et dependens a sensibus et phantasmatis acquiri possit, nequit tamen acquiri secundum eum modum cognoscendi, de quo nos hie loquimur. Scientia *infusa per accidens* pertinet ex interiori sua natura potius ad scientiam acquisitam, de qua mox dicemus.

(1) In Cone. Basiliensi nondum plene schismatico (sess. 22. 15 Octobris 1438) damnata est propositionis Augustini de Roma: « Anima Christi videt Deum tam clare et intense, quantum clare et intense Deus videt seipsum » (Mansi XXXIX. p. 109).

totius ordinis creati, et humana natura in Christo in ordine ascende ab imis ad summa ac velut in serie progressiva coniunctionum cum Deo et participationum divinarum est in gradu supremo, ultra quem non modo alias non est sed neque esse potest. Potestati eius ac moderationi subiecta sunt omnia, et universum creatum qua late patet, in spiritibus et corporibus, in coelestibus et terrenis, in supernaturalibus et naturalibus eius est regnum; creata omnia ad eum vergunt velut ad suum solem, in eo instaurantur et recapitulantur, ut Paulus Eph. I. 10. et ex Paulo ss. Patres loquuntur; omnia in ipso cum ipso et per ipsum sunt in honorem et gloriam Dei tam per durus historias mutabiliter quam in consummatione incomparabili. « Oportet illum regnare, donec ponat omnes inimicos sub pedibus eius... cum autem subiecta fuerint ei omnia, tunc et ipse Filius subiectus erit ei, qui subiecti sibi omnia, ut sit Deus omnia in omnibus » 1 Cor. XV. 24-28. Ita mediator naturalis Dei et hominum Deus-homo, in quo « pacificantur sive quae in caelis sive quae in terra sunt, » et consequenter index vivorum et mortuorum est centrum totius historiae, « pater futuri saeculi » sive « pater aeternitatis » Is. IX. 5., a quo incipit et in quem desinat plenitudo temporum cf. Eph. I. 10; Col. I. 18-20. Tum igitur perfectio visionis Dei respondens exaltationi huius naturae per unionem hypostaticam, tum status, auctoritas, potestas Domini Nostri Iesu Christi exigunt et vindicant humanae eius scientiae cognitionem eorum omnium, quae Deus ipse habet pro obiecto scientiae visionis, i. e. omnium, quae aliquando actu fuerunt, sunt vel erunt (1).

(1) « Conveniens fuit Christum humanae salutis auctorem ab ipso sua incarnationis principi plenam Dei visionem possidisse, non autem per temporis successionem pervenisse ad ipsam, ut sancti alii perveniunt. Conveniens etiam fuit, ut prae ceteris creaturis illa anima divina visione beatificaretur, quae Deo propinquius coniungebatur... Quanto autem aliqua causa plenus cognositur, tanto in ipsa plures eius effectus perspicere possunt.... Anima igitur Christi summam perfectionem divinae visionis obtinens inter creaturas ceteras, omnia divina opera et rationes ipsorum, quaecumque sunt, erunt vel fuerunt, in ipso Deo plene intuetur, ut non solum homines sed etiam supremos ange-

Ad haec omnia obiecta extra Deum humanam Christi scientiam pretendit, ss. Patres adversus Agnoetas vindicarunt. Cognosci autem haec omnia a Christo homine utroque modo tum scilicet cognitione « matutina » in Verbo, tum per scientiam infusam cognitione « vespertina » in se ipsis, multo communior est sententia. Nec vero potest censeri matutinus modus cognoscendi perfectior alterum excludere vel superfluum reddere, cum longe sint diversae rationis, et ex diverso principio consequantur; alter enim includitur in perfectione visionis beatifica, alterum etiam praescindendo a visione beatifica per se postulat dignitas et excellentia intestina illius humanae naturae. Fatentur tamen Suarez disp. 25. sect. 3; de Lugo disp. 20. sect. 1. n. 3. sententiam, quae concessa cognitione omnium in Verbo alteram per se infusam negaret, fore quidem falsam et minus probabilem; sed nulla graviori censura dignam.

3^o. Porro tota amplitudine scientiae secundum hunc utrumque modum (visionis beatificae et scientiae infusa) humanam Christi naturam inde a *primordio incarnationis* ornatam fuisse, affirmandum est; quia a) illa perfectio scientiae utriusque non secus ac perfectio gratiae exigitur ab ipsa dignitate unionis hypostaticae; quia b) Patres in sapientia pertinente ad perfectionem Christi secundum statum comprehensoris non minus quam in gratia et sanctitate (th. XL. n. III) excluderunt profectum, et hoc ipso significarunt perfectionem primordialem. Denique c) nulla lorum illuminet... Non tamen anima Christi ad *comprehensionem divinitatis* pertingere potest. Nam illud cognoscendo comprehenditur, quod tantum cognositor, quantum cognoscibilis est. . . . Infinite Deus cognoscibilis est (ut ens infinitum); nulla autem creatura infinite cognoscere potest, quamvis infinitum sit, quod cognoscit. . . . Anima igitur Christi Deum non comprehendit; sed Christus Deum comprehendit sua increata sapientia. . . . Non igitur anima Christi cognoscit, quidquid Deus facere potest, vel quibus rationibus possit operari (vide Tract. nostrum de Deo th. XVIII). Sed quia Christus etiam secundum quod homo, omni creaturae a Deo Patre praepositus est, convenienter est, ut omnium quae a Deo qualitercumque facta sunt, in ipsis divinas essentiae visione plenam cognitionem percipiat; et secundum hoc anima Christi omnisciens dicitur, quia plenam notitiam habet omnium, quae sunt, erunt vel fuerunt s. Thom. Compend. theolog. c. 216.

est ratio negandi, sed est ratio affirmandi primordialem hanc perfectionem etiam ex eo, quod usus illius scientiae a sensibus et organis corporeis nullatenus pendet; unde longe diversa cius est conditio quam scientiae acquitatae, cuius incrementum connaturaliter cum explicazione organorum corporalium processisse mox dicemus.

4^o. Ex dictis constat, non solum secundum naturam divinam esse infinitam scientiam Christi Domini, cuius negotio pertinet ad Arianorum blasphemiam; sed etiam a natura eius humana oportere excludere ignorantiam proprie dictam, quae esset privatio perfectionis debitae statui, dignitati, et potestati Filii Dei in natura sua assumpta per unionem hypostaticam, reparatoris generis humani et iudicis universalis, ut paulo ante explicatum est. Hinc haereticis adscripti sunt Agnoetae, qui saeculo VI. duce Themistio diacono Timothi Episcopi Alexandrini ex Eutychianorum secta, Christum quatenus homo est, aliqua ignorasse docuerunt (1). Vide s. Gregorium M. l. X. ep. 39.

(1) Nescio quomodo editor libri iam superius a nobis citati (Vie intérieure de la Très-Sainte Vierge etc.) nunc adhuc defendere voluerit, in resurrectione demum et in glorificatione humanitatis Christo Domino secundum naturam etiam humanam revelata fuisse consilia divinae providentiae, proprium statum redemptoris, mysteria Ecclesiae, iudicii etc. « Alors (dans la résurrection) il lui (le Père au Fils) fait voir ses dépendances, et lui révèle la lumière de son état, qu'il avait voulu lui tenir cachée en quelque chose avant sa mort, lorsqu'il n'était encore qu'hostie pour le péché. Il lui découvre le mystère de son Église de la terre, celui de l'Église du Ciel, et celle de l'Église de l'enfer, qui est le mystère de l'iniquité. Il lui fait voir le jugement des hommes et des démons... Il lui révèle tous les secrets... il fait cette révélation à l'humanité » l. c. p. 129. 130. Pro tuenda hac doctrina appellat editor ad ss. Patres citatos a Petavio de Incarn. l. XI. c. 1. n. 5. 6. 7; de Tirin. l. II. c. 3. n. 6. Sed imprimit nullus Patrum unquam ea usque extendit ignorantiam Christi hominis, ut fit in novo hoc libro. Deinde advertebat debuitus plus editor iuxta observationes Petavii, illos Patres quæstione nondum eligata sollicitos fere unice fuisse de removenda ignorantia a Christi divinitate adversus haeresim Arianam, de humilitate autem non data opera nec rata ac firma sententia, sed velut transmittendo argumenta adversariorum esse locutus. Maxime vero tendendum fuisse principium in theologia maximi momenti, non omnia quae veteres in questionibus nondum liquidis dixerunt, etiam postea

ad Eulogium. In eodem errore haeserunt Deformatores saeculi XVI, de quibus consule Bellarminum (de Christo l. IV. c. 1.)

Haereticci praeter locum Lue. II. 52, de quo th. XLI. n. III. dictum est, potissimum abutebantur verbis Christi Marc. XIII. 32: « de die illo... nemo scit neque angeli in celo, neque Filius nisi Pater. » Quamdui Patres adversus Arianos solliciti solum erant de vindicanda divinitate Iesu Christi, aliquando satis habebant respondere, h. l. non de divina sed humana natura Christi sermonem esse, qualisque demum sit haec ignoratio. Verum in controversia alia, ubi data opera loquuntur de Christo homine, nominatim adversus Theodorum Mopsuestenum, Nestorium et Agnoetas damnant quamvis *ignorantiae* suspicionem etiam secundum natum assumptam. Ita Leporius ab Episcopis Africae iussus est dammare hunc suum pristinum errorem in libello emendationis, cui iidem Episcopi et inter hos Augustinus subscrivserunt. « Nunc non solum dicere non praesumo verum etiam priorem anathematizo prolatam in hac parte sententiam, quia dici non licet, etiam *secundum hominem ignorasse Dominum prophetarum.* » Explications autem verborum Christi revocantur ad tres, quarum prima est obvia et plana, ignorationem istam dei iudicii esse oeconomiam, quatenus Christians est *revelator* consiliorum et mysteriorum Dei; non igitur ad *sciendum* sed ad *revelandum* ignorasse diem consummacionis omnium. Cf. Act. I. 7. Altera est subtilior, ignorari scilicet diem illum ab omni creatura, si haec per se spectatur, atque etiam a natura humana Filii secundum meram suam essentiam spectata; nec tamen ideo sequitur, etiam in exaltatione huius na-

facta iam in Ecclesie Dei explicatione doctrinam tuto defendi posse. Hinc Petavios continuo subiungit Patrum multorum sententiam contrariantem ac veram, quam dicit « usi iam receptam consensuque theologorum » ac tandem concludit: « prior illa sententia, tametsi summis quibusdam viris olim non displicuit, postea haeresis est notata, eoque nomine pro haereticis damnati sunt Agnoetas cum eorum parente Themistio diacono. » Petav. ib. n. 15. Quae miror ab huius novi libri editore, dum ad Petavii citationes appellat, fuisse dissimilata. Vide etiam Bellarmino Christo l. IV. c. 1-5.

ture ad eam visionem, in qua actu est, locum habere ignorantiam. Tertia explicatio est Gregorii Naz. et Basili. Filium sive secundum divinam sive secundum humanam naturam non scire diem illum scientia incommunicata, sed scire tamen scientia communicata a Patre; ut alias dixit: « non potest Filius a se facere quidquam, nisi quod videbit Patrem facientem; » « mea doctrina non est mea; » « a me ipso non loquor » etc. (Io. V. 19; VII. 16; XIV. 10.) Cf. S. Th. 3. q. 10. a. 2. ad 1.

II. Reliquum est, ut dicamus de scientia *acquisita*. Hoc nomine non intelligimus tantum scientiam experientia, consideratione rerum, abstractione, et ceteris functionibus rationalibus comparatam; sed appellamus *acquisitam* spectata propria natura talis scientiae, quae scilicet comparari possit naturali exercitio facultatum naturalium, et cuius usus secundum naturalem conditionem humanae naturae aliquo modo dependens est a phantasmatibus, et qua proinde cognoscimus omnia secundum modum naturae nostrae, ut e. g. substantias spirituales per species alienas, non autem secundum modum quo in se sunt. Haec itaque scientia poterit esse communicata a Deo immediate, et adeo modus eam acquirendi poterit esse supernaturalis, quin ea in se designat esse naturalis, et sic erit scientia *infusa per accidens*; vel poterit esse proprio exercitio naturaliter acquisita, et sic erit scientia *acquisita simpliciter*, vel etiam scientia empirica.

Pertinet ea secundum utrumque modum ad Christum, quatenus est in statu *vigatoris*. Nam illam, quam ultimo loco commemoratam diximus scientiam simpliciter acquisitam, in Christo fuisse per se clarum videtur; nec appetit quomodo ea negata, praesertim quatenus *empirica* est, sine specie quadam docetismi infantia, pueritia, tota vita Iesu Christi explicari possit (1). Quod spectat scientiam *per ac-*

(1) S. Thomas numquam negavit Christi scientiam *experimentalē*; verumtamen 3. dist. 14. q. 1. a. 3. sol. 5. ad 3. censuit, Christum operatione intellectus nullas novas species acquisivisse, sed solum ad species præhabitas infusas se convertisse. Haec vero sententia est, quam ipsem Angelius expressis verbis postmodum correxit 3. q. 9. a. 4.

cidens infusam, hanc etiam videtur exigere Christi dignitas; si enim concessa fuit talis scientia primo Adamo, Salomonis multisque sanctis membris Iesu Christi, quanto magis Christo ipsi ad perfectionem convenientem secundum statum viatoris erat concedenda?

Porro de tempore et modo, quo cooperit habere Christus hanc scientiam, valde probabilis videtur sententia Card. de Lugo disp. 21, fuisse scilicet paulatim et progressu aetatis communicatam. Cum enim huius scientiae usus non sit independens ab organis corporis, videtur certe Deus initium et incrementum eius accommodasse ipsi naturali constitutioni organorum. Multo id magis de scientia *acquisita simpliciter et experimentaliter evidens est*. Sensu igitur proprio proficiebat Iesus sicut aetate ita *hac scientia* utroque modo spectata; atque ita quorundam Patrum commentaria in Lnc. II. 52. intelligi possunt, qui verum in sapientia proiectum ss. humanitati tribuere videntur. Ita etiam intelligitur, quomodo vera et non solum apparens fuerit Christi infantia; aliae quoque actiones multae, ut e. g. affectus admirationis Matth. VIII. 10. (S. Th. 3. q. 15. a. 8), secundum statum viatoris hoc modo melius explicantur. *¶* Christus non habuit regulariter, inquit de Lugo, ullam operationem humanam nisi dependenter ab organis et dispositionibus connaturalibus, sicut alii homines; nec enim ambulabat, donec habuit organa bene disposita, nec loquebatur in infantia etc. Ergo nec habuit operationem humanam phantasiae ante organum bene dispositum; ergo nec operationem humanam intelligendi, quia haec tam pendet a phantasia, quam phantasma ab organo disposito. Dixi operationem humanam intelligendi, ut excludam scientiam beatam et infusam et connaturalem animae separatae; hae enim non erant operations hominum ut hominum, sed operations animae solius independentes omnino a materia... Non fuerunt inditae simul huiusmodi species (scientiae acquisitae seu per accidens infusae) Christo Domino sed successive, sicut successive organa phantasiae melius disponebantur ad eas recipiendas, ... ita ut in qualibet aetate haberet Christus scientiam rerum omnium, quae in

ea aetate esse poterat. *¶* De Lugo disp. XXI. sect. 1. n. 5. 11.

De plenitudine sapientiae in humana natura Iesu Christi legendus est s. Thomas in citato iam saepius Compendio theologiae (opusc. III.) c. 216, cuius haec est conclusio. *¶* Patet ex praedictis, quod anima Christi summum cognitionis gradum inter ceteras creaturas obtinuit *quantum ad Dei visionem*, qua Dei essentia videtur, et alia (videntur) in ipsa; etiam similiter *quantum ad cognitionem mysteriorum gratiae*, nec non *quantum ad cognitionem naturalium scibilium* (quatenus haec ultraque *infusa* erat, ut in antecedentibus S. Th. declaravit); unde in nulla harum trium cognitionum Christus proficeretur potuit. Sed manifestum est, quod res sensibles per temporis successionem magis ac magis sensibus corporis experiencing cognoscit; et ideo solum *quantum ad cognitionem experimentalis* Christus potuit proficer secundum illud (Lnc. II. 52.): puer proficiebat sapientia et aetate. *¶* Cf. S. Th. 3. q. 7-12; Suarez disp. 18. et 25. sqq.; Vasquez disp. 41. et 50. sqq.; de Lugo disp. 16-21; Petav. I. XI.

Scholion 1. ad tres theses antecedentes. Absolute loquendo humanitati Christi impassibilitas et status gloriae tam secundum animam quam secundum corpus ratione unionis hypostaticae fuisset connaturalis, et per se secundum legem ordinariam consequens ex visione beatifica. At spectato fine ac modo incarnationis, quod voluit Dominus ad complendam economiam redemptoris simul assumere statum *viatoris*, pro illo statu et pro conditione, in qua humanitas assumpta est, carentia gloriae corporis, affectiones omnes quae dicuntur passiones irreprehensibles ($\ddot{\alpha}\dot{\iota}\ddot{\iota}\ddot{\beta}\lambda\eta\tau\alpha\pi\pi\theta\eta$), dolores tam animae quam corporis, morsque ipsa humanae naturae Christi erant naturales, si *naturale* dicitur, quod ex conditione naturae per se spectatae consequitur, et quod in eius assumptione propter finem ad quem assumptio facta est, non erat ablatum et (ut Patres loquuntur) nondum absorptum. Non vero erant illa omnia *naturalia Christo*, si, ut ab Hilario fieri solet alisque, *naturae Christo* dicitur illud dumtaxat, quod non praeter

et quodammodo contra exigentiam naturae Verbo hypostaticae unitae assumptum est ob finem specialem redemptiois nostrae. (Vide Constant. in Praef. ad Opp. Hilarii n. 144 sqq.). Pro oeconomia igitur redemptiois Christus dici potest «assumpsisse necessitatem hisce defectibus subiacendi» cf. S. Th. 3. q. 14. a. 2; Albert. M. in 3. dist. 16. a. 1. Necesitatem inquam assumpsit eo sensu, quod secundum statum illum assumptum concurrentibus causis et adiunctis affectionis irreprehensibilis, dolores, mors naturaliter conseqebantur.

Erant nihilominus omnes illae passiones in Christi potestate idque dupliciter, a) quod divina persona secundum natum divinam spectata pro sua libera voluntate ac potestate permisit humanam suam naturam ipsius propriae conditioni ad agendum et patientium, quae ipsius erant. Haec est illa a Patribus dicta ἴδοσις; et velut laxatio et permissionis naturae humanae in suam propriam conditionem, b) Etiam secundum voluntatem humanam passiones eadem erant in eius potestate, aliae tamen alio modo. Imprimis enim affectiones animae, quae dici solent passiones, ut timor, tristitia etc. plene subiectae erant directioni voluntatis rationalis huiusque nutum sequebantur (1) multo etiam

(1) S. Hieronymus in Matth. V. 28. distinguit πάθος et πρωταρχίαν passionem et propositionem, illam ibi appellat coniunctam cum consensu in peccatum, hanc excluso consensu. Alibi vero distinguit passionem dominante animo etiam invito, et propositionem subiectam imperio rationis ac voluntatis; sive (in Matth. XXVI. 37) negat in Christo passionem fuisse, et solam admittit propositionem, non tantum eo quod nullus fuerit vel esse poterit consensus malum, sed quod omnes affectiones motus plene subiecti essent dominati rationis: «non passio in animo dominabatur, sed per propositionem coepit contristari». Opp. s. Hier. ed. Vallarsi T. VII. p. 28. 218. Hunc dicendi modum secutus est etiam s. Thomas 3. q. 15. a. 4. et alibi. Alii Patres simpliciter dicunt passiones vel cum addito passiones irreprehensibilis. Vide de Iugo disp. 22. sect. 1. n. 14.

Ex hac plena appetitum subiectiois apparet, cur Christus immo et Adam in statu integratis non intrinsecus, sed solum suggestione externa tentari poterit. Tentatio est obiecti, in quod consensu voluntatis sine peccato fieri non potest, propositio cum illectione ad consensum; adeoque est propositio quae dirigitur velut ad finem ad provocandum consensum, qui est peccatum. Appetitus sensitivi in Christo non tendebant

potiori ratione, quam in primo Adamo dum esset natura adhuc integra. «Sensus corporei vigebant sine lege peccati, et veritas affectionum sub moderamine deitatis et mentis» s. Leo ep. 35. c. 3. ad Julian. Coens. cf. Damasc. l. III. c. 20. Quod pertinet ad dolores corporis et ad indigencias, ut famem, sitim, fatigationem; erant concurrentibus causis hi effectus quidem naturales pro illo statu viatoris, quem Christus assumpsit, ut dictum est paulo ante, nec erat in naturali potestate naturae humanae eos non sentire; attamen pendebant libera eius voluntate (humana), quatenus sponte et libere eorum causas admissit et, quod hic potissimum spectatur, quia poterat Christus etiam secundum humanam natum, ut haec est instrumentum Verbi ad patranda miracula, eos omnes effectus simpliciter a se arcer. Cf. S. Th. 3. qq. 14. 15; Suarez disp. 32. sect. 3; Lorca disp. 56; de Lugo disp. 22; Petav. I. X. c. 3- sqq.

Eutychanis et monophysitis generatim, qui Christum Deum verum non negarent cum Arianis, nihil erat reliquum, quam ut vel ipsam divinitatem passibilem factam esse absurdissime fingerent (θεοτατηγενεια), vel Christum omnino impassibilem semper fuisse assererent. Nihilominus cum illam suam unitatem naturae et conversionem carnis in divinitatem alii alter dicent (nam mente concepi haec absurditas a nemine potuit), ortae sunt inter eos multiplices et diversae factioes. Inter has Severiani et Theodosiani sic appellati a suis ducibus Severo ac Theodosio (temne poterant tendere ad illiciendos, ideo ab eis nec erat nec poterat esse ulla tentatio. Quamvis vero diabolus ipse non posset proponere obiectum illicientem, quin in Christi anima aliquis eius esset cogitatio seu apprehensio, haec tamen apprehensio sane non inclinabat seu alliciebat ad peccatum, sed illector erat solus diabolus, quia ille solus erat adversarius dirigens suam propositionem ad elicendum consensum malum. Ideo Christus dicitur in Evangelio tentatus a diabolo, non potest autem dici tentatus ab aliqua sua cogitatione aut affectione. Ex dictis etiam obiter advertes, cur «Deus neminem tentet» nec tentare possit, quamvis possit proponere obiecta et constitutuere hominem in iis adiunctis, in quibus tentatur «a sua concupiscentia». Iac. I. 14. Deus enim haec non dirigit ad provocandum consensum in peccatum; ad hoc vero in nobis tendit diabolus et concupiscentia, quoad Christum eo tendere poterat solus diabolus, non autem ulla concupiscentia.

pore Iustiniani imperatoris) corpus Christi fatebantur fuisse corruptibile (1); unde ab adversariis dicti sunt corrupticolas (φθιτολατραι). Repugnabant allii, qui cum Juliano Halicarnassensi et Gaiano consequenter ad sectae dogma principes asserebant, carnem Christi fuisse incorruptibilem et impassibilem, ideo dicti incorrupticolas seu phantasiastae (ἀρχαρτοδοκηται).

S. Hilarius a nemine ante Claudianum Mamertum exente saeculo V° et post hunc primo a Berengario saec. XI accusatus est huius erroris quam gravis tam absurdus, quod sicut postea isti incorrupticolas naturam humanam Christi impassibilem fuisse docuerit. Mirum sane, quod nullus ss. Patrum quibus opera Hilarii notissima erant et celebratissima, tam manifestam haeresim animadvertisset, neque ullus incorrupticolarum subsequentium ad eius auctoritatem appellasset.

Plenas doctrinæ Hilarii vindicias reperies in praefatione Constantii ad Opp. Hilarii (p. 32. n. 95 sqq.), et passim apud theologos. Capita præcipua ad intelligendum sensum Hilarii præ oculis habenda revocamus ad sequentia. Scopus princeps Hilarii est defendere adversus Arianos Christi divinitatem. Hinc a) negat « virtutem corporis vim poenae sensisse » de Trin. l. X. n. 23, quia pro suo scopo *cirtutem corporis* (cf. Rom. I. 4; 2 Cor. XIII. 4) intelligit Verbum secundum divinam naturam spectatum. b) Negat de humilitate ipsa « naturam ad dolendum », quia hoc nomine intelligit necessitatem et infirmitatem indetectabilem, ut nec ipsa persona, cuius est propria humanitas assumpta, dolorem arcere potuisset ibid. Ceterum c) naturam humanam permisam esse a Verbo doloribus, quos causae currentes inferebant, nec tamen ita ut vinceretur, sed potius ut patiendo vinceret, diserte fatetur: « assumpta caro,

(1) Patet, id intelligi posse sensu orthodoxo, si nimur corpus Christi dicatum fuisse vere possibile in vita sua mortali; sed potest doctrina eadem habere sensum haereticum, si nunc adhuc post resurrectionem et glorificationem dicatur corpus passibile, vel si pro vita mortali Christi corruptio intelligatur contra id, quod scriptum est: « nec dabis Sanctum tuum videre corruptionem » Act. II. 27.

id est totus homo, *passionum est permissa naturis*, nec tam ita, ut passionem conficeretur iniuriis » ibid. n. 24.

Scholion 2. Ex dictis constat, non modo duplicum esse ordinem intellectorum, volitionum et operationum secundum duplicum naturam divinam et humanam, de quo in thesi XL actum est; sed etiam in ipsa humana natura Christi adhuc mortalis fuisse duplicum seriem intellectuum et volitionum et operationum secundum duplicum statum *comprehensoris et viatoris*. Frustratio et gaudium actusque ceteri comprehensoris sequebantur naturam visionis beatificae; volitiones et actus viatoris, timor, tristitia, angores et dolores, agonia usque ad sudorem sanguineum, libera etiam obedientia aliaque multa sequebantur naturam scientiae sive infusionis sive acquisitionis, quae respondebat statui viatoris. Non est mirum, nobis manere obscurum et unum ex magnis mysteriis in persona Verbi incarnati, quomodo status uterque in eadem persona secundum eandem naturam humanam simul constituerit. Id factum est singulari dispensatione Dei, qui sicut duas naturas in una hypostasi, ita etiam duos status coelestem secundum aliquid, terrenum secundum aliud in una hypostasi et natura pro infinita sua omnipotencia et sapientia coniunxit.

Ad huius veritatis declarationem quantum a nobis dari potest, non videtur sufficere principium, secundum quod tristitia et dolor parti solum inferiori, fructus autem beatifica et gaudium parti superiori animae attribui solet, nisi pars superior et inferior forte alio modo explicentur, quam plerumque in obvio sensu verborum intelliguntur. Si nomine *partis superioris* intelligatur ratio et voluntas rationalis, ut fertur ad objecta supersensibilia et maxime ordinis divini, vel ad objecta sensibilia quatenus considerantur secundum hunc ordinem superiorem; *parts autem inferior* dicatur imaginatio et eam sequens appetitus sensitivus; in hoc inquam sensu quomodo quaeso dici potest, tristitiam Christi redemptoris in tota vita sua mortali, in passione et morte fuisse solum in parte animae inferiori de toti iniuriis nefandis ipsaque morte atrocissima sibi Deo-homini illatis, de tot hominum peccatis et aeterna perdi-

tione, atque ideo de frustrato in eis pretio sui sanguinis, de offensionibus Dei et laesione divini honoris? Si quis forte tristitiam et dolorem hic appellare vellet solummodo sensationem, quatenus ea afficitur pars inferior, quaestio erit de nomine, nec ideo minus obiecta tristitiae et doloris manebunt propria partis superioris, quae ratione ac voluntate rationali attinguntur.

Porro adhuc minus sequemur explicationem Melchioris Cani, qui visionem beatificam et beatitudinem distinguit ac dividit ita, ut gaudium fuerit suspensum, ne ex visione beatifica promanaret; hacque ratione opinatur tristitiae locum esse potuisse (de Locis 1. XII. c. 14. ad argum. ultimum). Est haec opinio contra communem religiorum theologorum sententiam, nec sufficiens ad explicationem, nisi toto fere tempore gaudium exclusum esse dicatur, quod neque Canus anus est affirmare.

Dicimus igitur in re praesenti *partem superiorem* humanae Christi naturae, secundum quod erat *comprehensor*; *partem inferiorem*, secundum quod erat *viator*. Tum vero concedimus, repugnare gaudium summum simulque tristitiam, ubi est unus tantum modus cognitionis et voluntatis respondens statui comprehensoris; ubi vero praeter illum est modus cognoscendi et volendi respondens statui viatoris, dicimus posse esse summum gaudium de obiecto principe et in eo de obiectis secundariis beatae visionis, et simul posse esse tristitiam et dolorem de aliis obiectis, quae apprehenduntur cognitione viatoris sive infusa sive acquisita. Gaudium scilicet summum simulque tristitia de eodem et ex eodem motivo absolute quidem repugnat; non tamen repugnat absolute, ut in eodem subiecto simul sit gaudium et tristitia de diversis obiectis et ex diversa ratione. Non inquam absolute repugnat ita, ut ne Deus quidem omnipotens possit constitutre hominem in duplice illo statu; facile tamen concedimus, connaturaliter ac per se visione et fruitione beatifica excludi omnem dolorem omnemque tristitiam. Immo vero supposito duplice illo statu coniuncto, status comprehensoris non solum non impedivit aut minuit, sed in immensum auxit atque intendit dolorem

ac tristitiam viatoris, quatenus visio et amor comprehensoris influebat ad perfectionem cognitionis et voluntatis etiam pro statu viatoris. Hic merito animadvertes ulterius, ex influxu divinitatis, pro assumpta economia redemptoris, passionem Domini Nostri non solum non immunitam sed velut in infinitum fuisse intensam (vide Segneri Prediche nel Palazzo Apostolico Predic. sulla Passione). Cf. S. Th. 3. q. 18. a. 5; q. 46. a. 7. 8; Suarez disp. 38. sect. 3; Vasquez disp. 73. c. 4; de Lugo disp. 22. sect. 2.

THEISIS XLIII.

De absoluta Christi hominis impeccantia.

* Christus homo erat absolute impeccabilis ita, ut in eo tum quivis actus tum quaevis maecta peccati repugnaret, quia repugnat Deum
* Verbum peccare actu voluntatis, quae ipsis est ipsique propria, ut
* esse aliquam labem peccati in natura, quae est natura Dei Verbi atque
* hoc ipso deficiata et sanctificata sanctitate substanciali. *

I. Propria ratio ex qua actus peccati in homine Christo absolute repugnat, intelligitur illa duplex, ob quam omnes Christi operationes secundum humanam naturam editas diximus esse theandricas (supra th. XL). Post ea igitur, quae iam probata sunt de unitate hypostaseos divinae atque de uno operante per suam duplicom naturam divinam et humanaam, demonstrationem veritatis in hac thesi propositae paucis possumus absolvere.

1° Verbum ipsum erat principium, *quod* operabatur per naturam suam humanam. « Incarnatus Deus Verbum existens utramque operationem (divinam et humanam) secundum naturas suas naturaliter ex se ipso proferebat», ut ait Sophronius, et « Verbum ipsum carne sua propria tanquam organo utebatur, anima item sua propria ad humanas et irreprehensibiles affectiones», ut Cyrilus docet (ll. cc. supra p. 392. 394). Cf. S. Th. 3. dist. 12. q. 2. a. 1. Eodem modo intelligi debent verba Athanasii contr. Apollin. I. II. n. 10. T. I. p. 947, quae in Conc. VI. Act. VIII. obiecta sunt a monotheletis: « Deus Verbum genitus est ex muliere, primitivae creationis formam hominis sibi excitans

in exhibitione (veritate) carnis absque carnibus voluntibus et cogitationibus humanis (vitiatis) in imagine novitatis; *volitus enim erat solius deitatis* (i. e. solius Dei Verbi et tota sub directione divinitatis, de quo mox), quia et *natura tota Verbi erat* (1). Ex hac doctrina quae a solis Nestorianis negari potest, facile patet repugnativa cuiusvis actus peccati in humana Christi natura. Verbum enim ipsum peccaret functionibus suaे humanae naturae et voluntatis. Natura humana non esset is, qui peccaret, sed tantum esset id, quo tamquam humanarum operationum principio peccaret divina hypostasis, formaliter ut homo est; peccaret inquam *hic homo*, i. e. hypostasis composita quae est Verbum connotans et includens naturam suam humanam. Atqui Deum Verbum etiam per naturam assumptam peccare, est prorsus absurdum et absolute repugnat. Ergo actus peccati in Christo homine repugnat.

2º Propterea quod natura humana est natura Verbi ita, ut Verbum per eam sit homo, una hypostasis in duabus naturis; actus quidem Verbi functionibus humanitatis exerciti et nunc adhuc sunt et in vita mortali erant vere humani, directio tamen horum actuum spectabat ad Verbum secundum divinam suam naturam. Ubi enim operator seu principium *quod agit*, seu hypostasis subiectum omnium attributionum, realiter et ontologice unum est, plura vero in eo sunt distincta et diversa principia *quibus agit*; inter haec est subordinatio inferiorum ad supremum principium, ita ut in moralibus operator teneatur per principium supremum dirigere et ad normam rectitudinis ordinare principia agendi inferiora. Sic homo ratione et voluntate superiore tenetur, quantum potest, dirigere ad normam rectitudinis imaginationem et appetitus inferiores; quod si negligat, vitium est hominis non solum secundum facultates inferiores, sed etiam secundum facultates superiores spectati. Iam vero in Christo, hypostasi ontologice una, supremum prin-

(1) Η γαρ θελτης θεοτητος μονης, ηπειρον και φυσις οηλη του λογου.
Sensus quem indicavimus loci Athanassi, videtur obvius et indubiatissimus; enim tamen alter interpretatur s. Maximus in disp. cum Pyrrho (vide Petav. l. IX. c. 10. n. 2.).

cipum dirigen^s (*το ζημιμονιον*) est Verbum secundum divinam naturam spectatum, natura autem humana est principium agendi inferius et subordinatum; ideoque si Verbum aliquando suam humanam voluntatem non ordinaret et dirigeret ad normam recti, defectus redundaret in Verbum secundum ipsam divinam naturam spectatum. Est autem evidenter absurdum, essentialē sanctitatem et normam omnisi rectitudinis (th. XLII. n. I.) a se ipsa deficere. Ergo iterum absolute repugnat actus peccati in humana natura Verbi. « Cum natura divina et humana unam personam Christi componian, ait praecelare Suarez (disp. 35. sect. 2), ad divinam voluntatem, quae suprema est et potest inferiorem, scilicet humanam, ita dirigere, ut semper et sine defectu honeste operetur, pertinet hoc munus praestare, et ad rectitudinem eius spectat ita facere; et ideo si aliquis defectus in hoc committeretur, in illam redundaret. »

Ceterum est haec ratio impeccabilitatis Christi et per se clara et a PP. Athanasio, Cyrillo, Epiphanio, Augustino etc. frequenter indicata. « Deus Verbum, ait Epiphanius, cum voluissest in carnē nasci, *velut freno regebat corpus suum* (*το σώμα; humanam naturam*), et prout vellet, ab inutili omni carni actione cohibere poterat; permisit vero illud (illam humanitatem) in corporales necessitates rationi consentaneas et suaē divinitati convenientes » Anserat. n. 79. 80. T. II. p. 85. Lege Patrum testimonia apud Vasquez disp. 61. c. 3.

Apparet ex dictis, non posse admitti opinionem quorundam theologorum scholae, qui contra sententiam communem, repugnantiam peccati in ss. humanitate assumpta non ex unione hypostatica per se spectata, sed aliunde, puta ex plenitudine gratiae creatae vel ex visione beatifica *unice* repetendam esse putarunt. Multo adhuc minus tolerabilis est opinio Durandi, qui in 3. dist. 12. q. 2. n. 8. 9. asserere non est veritus, nullam esse repugnantiam, ut per communicationem idiomatum Deus dicatur peccare, sicut dicitur Deus mortuus esse. Communicatio idiomatum in eo fundatur, quod divina persona vere suam facit humanam naturam, et sua facit huius naturae attributa ita, ut vere

Deus sit homo, sit passus et mortuus etc. Iam vero bonitati, sanctitati et sapientiae Dei non solum non repugnat, sed eam maxime commendat assumptio humanitatis cum omnibus huiusmodi infirmitatibus, ut sit « per omnia fratibus similatus... tentatus per omnia pro similitudine (similiter ac nos ~~zal~~ ἐποιεῖται) absque peccato » Heb. II. 17; IV. 15: at divinis attributis omnibus prorsus repugnat, ut Deus sibi in hypostasi unitam habeat naturam peccantem, et ita Deus ipse quatenus homo est, peccet.

II. Probationes allatae demonstrant quidem repugniam, Christum proprio suae humanae naturae actu peccare; earumque vis ineluctabilis facile sentitur, dummodo rite intelligatur, quid sibi velit hypostasin esse alicuius naturae, puta Verbum esse hypostasin humanae naturae, eamque habere ut naturam suam, per quam Verbum ipsum est hic homo, et quid sibi velit hypostasin esse subiectum omnium attributionum. Videlicet non solum externa denominatio adscribuntur Verba actiones et proprietates humanae, ut Nestorius sensit; sed vere Verbum ipsum quatenus homo est, agit humana functionibus suae naturae humanae, et actiones sunt vere Verbi, quatenus homo est. Hoc non videtur satis considerasse Vasquez, quando disp. 61. c. 5. impugnandam suscepit duplēcē illam rationem impeccabilitatis, quam a Suarezio egregie declaratam paulo ante proposuimus.

Verum nihilominus est et ab ipso Suarezio disserte adnotatum, ex utraque illa ratione nondum satis apparere, cur in Christi natura assumpta non solum actus, sed quaevis macula peccati repugnet; cur inquam absolute non possit fieri assumptio naturae ita, ut haec esset infecta macula peccati vel originalis vel contracti in connaturali subsistentia, in qua natura ante assumptionem posset praexistisse. Huius ratio est utique illa, quam Vasquez ib. c. 6. putat solam esse validam ad demonstrandam repugnantiam tum actualis tum habitualis peccati; quia videbit naturae rationalis assumptio in hypostasin divinam fieri non potest, quin ea per ipsam sanctitatem substantialem sanctificetur, et fiat obiectum divinæ complacen-

tiae in ordine ad visionem beatificam. De qua sanctificatione abunde sufficiet recoluisse ea, quae demonstravimus superius th. XLI. Vide S. Th. 3. dist. 12. q. 2; Suarez disp. 33. sect. 2; Vasquez disp. 61. c. 2. sqq. Cf. de Lugo disp. 26. sect. 1, qui fere consentit cum Vasquez; Petav. I. XI. cc. 10. 11.

Corollarium. Manifestus est error Güntherianus, quando dicitur Christus homo impeccabilis fuisse solum catenarum, quod Deus praeveriderit eum non esse peccaturn; ceterum vero necesse fuisse, ut secundus Adam temptationem subiret, in qua aequa ac primus Adam libertate sui arbitrii abiuti et peccare potuisse. Propaedentia II. p. 255. 441. 442; Aurora Austral. et borealis p. 236. 237.

THESIS XLIV.

*De Christi humana libertate, huiusque conciliatione
cum impeccantia.*

* Ex fidei catholicae doctrina asserenda est humana Christi libertas ea, que est necessaria conditio meriti; non tamen ad fidem catholicam pertinet, nee constant theologorum consensione determinatus est modus ipsa, quo Christi libertas in subienda morte aliquo actibus meritoris cum absoluta impeccantia cohaeret et apte componatur. * Ceterum suppetunt explicaciones probables, ex quibus utriusque attributi conciliatio, quantum satis est, intelligatur. *

I. Supponimus ad rationem meriti requiri libertatem non solum a coactione, ut Wicleffus, Protestantes, Baiani et Ianseniani aiebant, sed etiam a necessitate. *a* Liberi arbitrii nos condidit Deus, inquit s. Hieronymus (cont. Iovin. I. II. n. 3. T. II. p. 326); alioquin ubi necessitas, nec corona est. *b* Vide Propositiones Baii damnatas 39.41. 66. 67. et Iansenii 4th. qua dicitur: *a* ad merendum et demerendum in statu naturae lapsae (1) non requiritur in homine liber-

(1) Haec determinatio « pro statu naturae lapsae » posita est, non quasi minus certo requiretur haec libertas ad rationem meriti in *natura integra*; sed quia damnanda erat prepositio Iansenii, qui concedebat ultra libertatem a necessitate pro statu naturae integræ, et eam solum negabat pro statu naturae lapsae. Adeoque in affirmatione liber-